

בן-דדי כדבר יהוה אל-חצר  
 המטרה ויאמר אלי קנה נא את-  
 שדי אשר-בענתות אשר בארץ  
 בנימין כי לך משפט הירשה ולך  
 הגאלה קנה-לך ואדע כי דבר-  
 יהוה הוא: ואקנה את-השדה מאת  
 חנמאל בן-דדי אשר בענתות  
 ואשקלה-לו את-הכסף שבערה  
 שקלים ועשרה הכסף: ואכרת-ב  
 בספר ואחתם ואעד עדים ואשקל  
 הכסף במאזנים: ואקח את-ספר  
 המקנה את-החתום המצוה והחקים  
 ואת-הגלוי: ואתן את-הספר המקנה  
 אל-ברוך בן-נריה בן-מחסיה לעיני  
 חנמאל דדי ולעיני העדים הפתבים  
 בספר המקנה לעיני כל-היהודים  
 הישבים בחצר המטרה: ואצוה את-  
 ברוך לעיניהם לאמר: כה-אמר יהוה  
 צבאות אלהי ישראל לקוח את-  
 הספרים האלה את ספר המקנה  
 הזה ואת החתום ואת ספר הגלוי  
 הזה ונתתם בכלי-חרש למען יעמדו  
 ימים רבים: כי כה אמר יהוה צבאות  
 אלהי ישראל עוד יקנו בתים ושדות  
 וכרמים בארץ הזאת: ואתפלל אל-  
 יהוה אחרי תתי את-ספר המקנה  
 אל-ברוך בן-נריה לאמר: אהה אדני  
 יהוה הנה ואתה עשית את-השמים  
 ואת-הארץ בכחך הגדול ובזרעך  
 הנטויה לא-יפלא ממך כל-דבר:  
 עשה חסד לאלפים ומשלים עון  
 אבות אל-חיק בניהם אחריהם האל  
 הגדול הגבור יהוה צבאות שמו:  
 גדל העצה ורב העליליה אשר-  
 עיניך פקחות על-כל-דרכי בני-אדם

לתת לאיש כדרכו וכפרי מעלליו:  
 אשר שמת אתות ומפתים בארץ  
 מצרים עד-היום הזה וב ישראל  
 ובאדם ותעשה-לך שם פיוס הזה:  
 ותצא את-עמך את-ישראל מארץ  
 מצרים באתות ובמופתים וביד  
 חזקה ובאזרוע נטויה ובמורא גדול:  
 ותתן להם את-הארץ הזאת אשר-  
 נשבעת לאבותם לתת להם ארץ  
 זבת חלב ודבש: ויבאו וירשו אותה  
 ולא-שמעו בקולך ובתורתך לא-  
 הלכו את כל-אשר צויתך להם  
 לעשות לא עשו ותקרא אתם את  
 כל-הרעה הזאת: הנה הסללות באו  
 העיר ללכדה והעיר נתנה ביד  
 הפשדים הנלחמים עליה מפני החרב  
 והרעב והדבר ואשר דברת היה  
 והנף ראה: ואתה אמרת אלי אדני  
 יהוה קנה-לך השדה בכסף והעד  
 עדים והעיר נתנה ביד הפשדים:  
 ויהי דבר-יהוה אל-ירמיהו לאמר:  
 הנה אני יהוה אלהי כל-בשר  
 הממני יפלא כל-דבר:

### הפטרת בחקורת

ירמיה טז

Northwest Suburban Jewish Congregation Men's Club  
 Morton Grove, Illinois

אגודת אחים של קהילה יהודית נורתווסט סובורבן  
 מורטון גרוו, אילינוי

יהוה עזי ומעזי ומנוסי ביום  
 צרה אליך גוים יבאו מאפסי-ארץ  
 ויאמרו אך-שקר נחלו אבותינו הכל  
 ואין-בם מועיל: היעשה-לו אדם  
 אלהים והמה לא אלהים: לכך הנני  
 מודיעם בפעם הזאת אודיעם את-  
 ידי ואת-גבורתי וידעו כי-שמי יהוה:



חטאת יהודה פתובה בעט  
ברזל בצפרן שמיר חרושה על-לוח  
לפם ולקרנות מזבחותיכם; כזכר  
בניהם מזבחותם ואשריהם על-עץ  
רענן על גבעות הגבוהות: הררי בשדה  
חילך כל-אוצרותיך לבז אתן במתיך  
בחטאת בכל-גבוליך: ושמטתה וברך  
מנחלתך אשר נתתי לך והעבדתיך  
את-איביך בארץ אשר לא-ידעת כי-  
אש קדחתם באפי עד-עולם תוקד:  
פה אמר יהוה ארוור הגבר אשר  
יבטח באדם ושם בשר זרעו ומן  
יהוה יסור לבו: והיה כערער בערבה  
ולא יראה כי-יבוא טוב ושכן חררים  
במדבר ארץ מלחה ולא תשב: ברוך  
הגבר אשר יבטח ביהוה והיה יהוה  
מבטחו: והיה כעץ שתול על-מים  
ועל-יובל ישלח שרשיו ולא יראה  
כי-יבא חם והיה עלהו רענן ובשנת  
בצרת לא ידאג ולא ימיש מעשות  
פרי: עקב הלב מפל ואנש הוא מי  
ידענו: אני יהוה חקר לב בחן כליות  
ולתת לאיש כדרכו כפרי מעלליו:  
קרא דגור ולא ילד עשה עשר ולא  
כמשפט בחצי ימו יעזבנו ובאחריתו  
יהיה נבל: כסא כבוד מרום מראשון  
מקום מקדשנו: מקוה ישראל יהוה  
כל-עזביך יבשו וסורי בארץ יפתבו  
כי עזבו מקור מים חיים את-יהוה:  
רפאני יהוה וארפא הושיעני ואושעה  
כי תהלתי אתה: